

stiano nomine censeri possunt, absque petitione principii ut commune utrimque fundatum supponere possemus divinitatem et inspirationem librorum sacrorum.

CAPUT II.

DE DIVINAE TRADITIONIS FORMALI RATIONE UT EXHIBETUR
IN CONSTITUTIONE ECCLESIAE INDE AB AEVO APOSTOLICO.

THESES VIII.

*Formalis ratio Traditionis demonstratur ex constitutione
et ex principiis Ecclesiae.*

* Iuxta formam ac institutionem, quam ex evangelicis et apostolicis scriptis demonstravimus, Ecclesia aevi apostolici et sequentium deinceps aetatum constituta exhibetur in ceteris idoneis monumentis, et tum professione diserta tum constante modo agendi semper et ubique hoc nixa principio: successores esse Apostolorum, qui perpetua serie et mutua communione cohaerentes per charisma veritatis custodiant depositum fidei, ut nihil detrahi, nihil addi possit coelesti dogmati, quod semel revelatum esse sufficiat. *

I. Cum agitur de ipsis principiis ac fundamentis religionis christianaee, de principiis quae non solum sunt in theoretica professione, sed quo practice in usum ita veniunt quotidie, ut ex iis universim lex credendi, tota fides et vita christiana pendeat; prorsus evidens est, fieri non potuisse, ut Ecclesiarum constitutio, docendi et credendi norma, ab Apostolis secundum Christi mandatum in universo orbe tradita ac disposita, in omnibus Ecclesiis longe lateque diffusis corrumperetur et mutaretur in aliam plane oppositam, quando Apostolis paulatim defunctis eadem Ecclesiae ab ipsis constitutae transierunt in successiones sequentes, non sane alia generatione repente substituta priori, sed continua serie pastoribus et plebis prioris ac sequentis generationis inter se nexus, ac generationibus una alteri velut commixtis. Quare si in his sequentibus successionibus reperiuntur Ecclesiae ubique constitutae et gubernatae eo principio Traditionis, quod ex scriptis evangelicis et apostolicis demonstravimus a Christo institutum, ab Apostolis secundum Christi dispositionem in usum deductum; inclutabili argumento totius historiae comprobabitur, verum

sensem institutionis Christi et Apostolorum illum esse, quem ex ipsis Scripturis superius proposuimus. Si igitur thesis nostra spectetur *polemice* adversus Protestantes, non appellamus ad testimonia et ad doctrinam antiquitatis christianaee tamquam ad authenticam propositionem revelationis de principio et organo conservandae integritatis depositi, quam authentiam illi negant; sed appellamus ad antiquitatis sententiam unanimen tamquam ad *historicum testimonium fidei*, quod et illi et quivis homines sane mentis agnoscent et negare non possunt; ex quo scilicet testimonio intelligamus, quid universa antiquitas ut institutione ac doctrinam Christi et Apostolorum crediderit, et semper ac ubique professa sit. Ex hac vero testificatione inferimus, sensum verbi Dei quod et ipsi in Scripturis agnoscent, de Traditionis principio non posse esse alium, nisi quem universa antiquitas theoretice et practice semper et ubique professa est, et Ecclesia catholica adhuc profitetur; idque inferimus non propter supernaturalem auctoritatem testantium ab adversariis negatam, sed propter historiam impossibilitatem mutationis et corruptionis, quae continuo post Apostolos in ipsa fundamentalia principia Ecclesiae Iesu Christi inducta supponi deberet. Hanc vim testimonii antiquitatis christianaee saltem practice ne ipsi quidem Protestantes negant, qui cum fide non etiam rationem exuerunt; hinc eorum sollicitudo corradendi testimonia veterum, quae ex contextibus abrupta suam in sententiam torqueant, et eadem arte eludendi, quae principium catholicum demonstrant. Ceterum nec unica nec praecipua ratio determinans modum et valorem tractationis theologicae nobis est polemica, cum longe potior sit intelligentia distincta doctrinae fidei, et in praesenti fundamentorum fidei, ex quibus rite intellectio confutatio errorum sponte consequitur. Hisce declaratis ad demonstrationem theseos accedimus.

1^a. Apud Patres primae, secundae, tertiae successionis et deinceps in omnibus Ecclesiis orientis et occidentis est axiomatis instar constans sententia, continua successionem pastorum et doctorum divinitus ordinatam non interruptam serie cum Apostolis cohaerentem esse organon visible ad

doctrinam Christi integrum intemeratae servandam et propagandam; hanc igitur ex Traditione, quae ab initio est, esse accipiendam. Iam Patres apostolici Clemens Romanus, Ignatius, Polycarpus, et paulo post Hegesippus testantur, Apostolos iuxta Christi mandatum ordinasse sibi perpetua serie in ministerio futuros successores Episcopos (1); atque adeo ut vitetur haeresis et vera seruetur doctrina, coniunctionem cum Episcopis esse necessariam, qui sequendi sint tamquam Christus ipse; hocque modo tenendam esse Traditionem ab initio acceptam. Per hanc itaque successionem inde ab Apostolis perpetuam et cohaerentem, una et consentiens servanda erat doctrina in omnibus quamvis dissitis Ecclesiis (2). De nulla re magis sollicitus est s. Ignatius in suis epistolis, quam de consensu et unione cum Episcopis, ut integritas doctrinae et Ecclesiae divinitus disposita constitutio servetur. « Prius admonui vos, ut unanimis sitis in sententia Dei (*νοογην* cogitatio manifestata, verbum, doctrina); etenim Iesus Christus, inseparabilis vita nostra, Patris est *sententia* (3), sicut et Episcopi per fines terrae constituti in Iesu Christi sententia sunt; unde oportet vos unanimis esse sententiae Episcopi... Quemcumque enim paterfamilias mittit ad gubernandam familiam suam, hunc ita accipere debemus sicut ipsum, qui mittit. Manifestum igitur est, quod Episcopum oporteat respicere ut ipsum Dominum. Et ipse quidem Onesimus laudat verstrum in Deo ordinem, quod omnes secundum veritatem

(1) Clem. Rom. ep. I. ad Corinth. n. 42. 44. (Vide supra p. 33.), in qua epistola, ait s. Irenaeus (III. c. 3. n. 3.), « reparat Clemens Corinthonrum fidem, et quam super ab Apostolis acceperant Traditionem. »

(2) « Hegesippus (medio saec. II.) in quinque commentatorum libris... scribit, se Romanus usque proficiscentem plurimos Episcopos adisse et ab omnibus unam eandemque accepisse doctrinam... Romae vero cum essem, inquit, successionis (Pontificum) soriem composui usque ad Anicetum, cuius diaconus erat Eleutherus, et Aniceto successit Soter, post hunc Eleutherus. In singulis urbibus ita habet, sicut praedicant lex et prophetae et ipse Dominus » apud Euseb. H. E. I. IV. e. 22.

(3) Cf. Augustini dictum in Io. tract. 29.n. 6: « Filius est doctrina Patris. » Nazianzeno (or. 30. al. 36. n. 20) Filius est « definitio Patris » *τὸς ὅρος προς τὸ δράζουντος*.

vivatis et quod nullus sit apud vos haeresi locus » ad Ephes. n. 3-6. Vide ad Philadelph. n. 2. 3; ad Trallian. n. 7; ad Smyrn. n. 8; ad Magnesios n. 6. 7. Scopum et materiam praecipuum epistolaram Ignatii Eusebius (H.E.III. c. 36.) his verbis comprehendit. « Singularum civitatum Ecclesias monebat imprimis, ut maxime caverent haereses tum primum erumpentes et invalescentes, hortatusque est, ut tenaciter inhaererent Apostolorum Traditioni, quam testificans iam etiam scripto consignare securitatis causa necessarium duxit. » Polycarpus ep. ad Philipp. n. 7. hunc tradit canonem ad haereses vitandas: « relinquentes vanitatem multorum et falsas doctrinas, *ad traditam nobis ab initio doctrinam convertamur.»* Quamvis modum Traditionis, obiter tantum mentionem iniciens, non indicet, is non est alius quam declaratus ab Ignatio in litteris ad Polycarpi Ecclesiam (Smrynensem) et ad Ecclesias alias scriptis, quarum collectionem Polycarpus ipse instituit (vid. ep. Polycarpi n. 13. et Euseb. III. 36) (1).

Sub idem tempus saeculo adhuc II. Irenaeus et paulo post Tertullianus adversus haereticos disputantes necesse habuerunt data opera totam doctrinam de Traditione ac Traditionis organo multis declarare et defendere. Convenit Irenaeus cum Gnosticis in principio communi, praeter Scripturas esse etiam Traditionem a Christo et ab Apostolis acceptam. Verum haeretici Traditionem iactabant occultam ad solos Gnosticos per generationum successionem derivatam; Irenaeus ex opposito ostendit, Traditionem esse publicam in Ecclesia universa, eiusque organon esse successionem Episcoporum inde ab Apostolis, quo doctrinae integritas semper seruetur. « Cum ex Scripturis arguantur, in accusationem convertuntur Scripturarum,..... quia non possit ex his inveniri veritas ab his, qui nesciunt Traditionem; non enim per litteras traditam illam, sed per vivam vocem... Cum autem ad eam iterum Traditionem *quae est ab Apostolis, quae per successiones presbyterorum in Ecclesiis custoditur*, provocamus eos; adversantur Traditioni... Tra-

(1) De Polycarpo legendus est Irenaeus III. c. 3. n. 4.

ditionem itaque Apostolorum in toto mundo manifestata, in omni Ecclesia adest respicere omnibus, qui vera velint videre; et habemus annumerare eos, qui ab Apostolis instituti sunt Episcopi in Ecclesiis et successorebus eorum usque ad nos» I. II. c. 2. n. 2; c. 3; I. IV. c. 26. n. 4. 5; c. 33. n. 8. Eadem de modo Traditionis adversus haereticos testatur Tertullianus. « Ceterum si quae (haereses) audent interserere se aetati apostolicae, ut ideo videantur ab Apostolis traditae, quia sub Apostolis fuerunt, possumus dicere: edant ergo origines Ecclesiarum suarum, evolcant ordinem Episcoporum suorum ita per successiones ab initio decurrentem, ut primus ille Episcopus aliquem ex Apostolis vel apostolicis viris, qui tamen cum Apostolis perseveraverit, habuerit auctorem et antecessorem. Hoc enim modo Ecclesiae apostolicae census suos deferunt... Si haec ita se habent, ut veritas nobis adiudicetur, quicumque in ea regula incidimus, quam Ecclesia ab Apostolis, Apostoli a Christo, Christus a Deo tradidit, constat ratio propositi nostri definitissim, non esse admittendos haereticos ad incundam de Scripturis provocationem, quos sine Scripturis probamus ad Scripturas non pertinere» Praescript. c. 32. 37; contr. Marc. I. I. c. 21; I. IV. c. 5. Hoc idem fundamentum Origenes supponit christiana theologiae, quam exposuit in libris de Principiis. « Cum multi sint qui se putant sentire quae Christi sunt, et nonnulli eorum diversa a prioribus sentiant; servetur vero ecclesiastica praedicatio per successions ordinem ab Apostolis tradita, et usque ad praesens in Ecclesiis permanens: illa sola credenda est veritas, quae in nullo ab ecclesiastica et apostolica discordat Traditione» de Princip. praeafat. n. 2.

Vide etiam Cyprian. epp. 27. 69; Athanas. de creet. Nicen. n. 27; Epiphani. haeres. 27. n. 6. (Carpocratianorum); haeres. 56. n. 3. (Melchisedechian.); Optatum contra Parthen. I. II. n. 2. 3. August. de util. credendi c. 17; contr. epist. fundamenti c. 4; ep. 53. al. 165. n. 2. ad Generosum; ep. 118. al. 56. n. 32. ad Dioscorum; Vincent. Lirin. Commonit. c. 9. 33.

Hinc Patres omnes, qui plerique ipsi pastores erant, vel

saltē testes praesentes principiorum quibus Ecclesiae regebantur, repetunt et inculcant hoc esse munus, hanc sollicitudinem praecipuam Episcoporum, ut doctrinam a maioribus acceptam tradant integrā tamquam depositum suis successoribus. « Agnitio vera est ($\gamma\gammaωσις \deltaληθης$) doctrina Apostolorum, et antiquus Ecclesiae status ($\tauο \alphaρχικων \tauης \epsilonκκλησις; συστημα$) in universo mundo, et character corporis Christi secundum successiones Episcoporum, quibus illi eam quae in unoquoque loco est, Ecclesiam tradiderunt: quae perenit usque ad nos custoditione Scripturarum tractatio plenissima, neque additamentum neque ablationem recipiens, et lectio sine falsatione et secundum Scripturas exppositio legitima et diligens et sine periculo et sine blasphemia» Iren. IV. c. 33. n. 8; cf. I. I. e. 10. n. 2. « Nobis, inquit Tertullianus, nihil ex nostro arbitrio inducere licet, sed nec eligere (1), quod aliquis de arbitrio suo induxit: Apostolos Domini habemus auctores, qui nec ipsi quidquam ex suo arbitrio quod inducerent, elegerunt; sed acceptam a Domino disciplinam fideliter nationibus adsignaverunt» Tertull. Praescript. c. 6; cf. c. 9. Augustinus appellans contra Pelagianos « ad sanctos et in sancta Ecclesia illustres antistites Dei, et eorum auctoritatem hac potissimum ratione probat: « quod inveniunt in Ecclesia, tenuerunt; quod didicerunt, docuerunt; quod a Patribus acceperunt, hoc filii tradiderunt» contr. Julian. I. II. n. 34. Vide Recognitiones Clement. I. VIII. n. 37. (Galland. T. II. p. 298.); Athanas. ad Serapion. ep. I. n. 28; Basil. ep. 145. T. III. p. 233; Epiph. haeres. 56. n. 3; Lirinens. Commonit. n. 12. 14. 26. 27. 32.

2º. Criterion integratatis doctrinae apostolicae in Ecclesiis perpetua successione derivatae semper habebatur Ecclesiarum communio et consensus inter se, cum Ecclesiis apostolicis et nominatim cum Ecclesia Petri; in quo ultimo etiam solo et per se spectato continetur et contineri semper credebatur demonstratio tum sincrae apostolicae doctrinae tum communionis cum Ecclesia universa.

Testimonium celebre est Irenaei I. III. c. 3, qui ad de-

(1) Alludit ad nomen *ελεγον*, quasi latine *electio* diceretur.

monstrandam « Traditionem Apostolorum *in toto mundo manifestatam in omni Ecclesia*, » aatis esse testatur indicare « maxima et antiquissima et omnibus cognita, a glorio-
sissimis duobus Apostolis Petro et Paulo Romae fundatae et constitutae Ecclesiae eam, quam habet ab Apostolis Traditionem et annuntiatam hominibus fidem per successionem Episcoporum pervenientem usque ad nos, » quoniam nimirum « *ad hanc Ecclesiam propter potentiorum principali-
tatem (1) necesse est omnem convenire (2) Ecclesiam, hoc
est eos qui sunt undique fideles, in qua semper ab his
qui sunt undique, conservata est (3) ea quae est ab Apo-*

(1) Massuetus legit: *potionem* principalitatem, sed fatetur solum Cod. Claromont. habere *potionem* et littera *n* expuncta *potionem*; in ceteris Codd. et edit. legi *potentiorem*. Quia textus greucus Irenaei desideratur, conjecturas diversas proponerunt eruditii: δια την ιχνωτραν ἀγγελον Griesbach; ἀκριπτον πρωτον Salmasius; ὑπερπρον πρωτον Massuetus; διεργονταν πρωτον Thiersch. Verum P. Schneemann in praetaria dissertatione, qua verum sensum huins loci illustravit et aduersus detractiones Protestantium vindicavit (in Ephemeride Der Katholik 1867. T. XVII. p. 419.), comparando omnia loca in quibus vox *principalitas* occurrit, sin minus certum saltem probabilissimum ostendit, graece fuisse ψύχειν. Ceterum quodcumque ex his vel geminis nominibus supponatur, ex contextu et tota annotatione Irenaei clarissimum est, non posse significari nisi *potionem* potestatem, principatum, primatum Ecclesiae Romanae; in hac enim *principalitate* Irenaeus constituit fundamentum et principium unitatis fidei omnium Ecclesiarum seu totius Ecclesiae universalis. Discrimen solum est, quod vox ψύχειν etiam per se et etymologicę spectata non admittit aliam significationem, ἀρχην et propriez per se fortasse sensu ambigui determinantur ex ipso contextu ad hanc significationem *principatus ac primatus*, quam certe expressit vetustissimus et forte Irenaeo coeversus interpres per *potentiorem* *principaliatatem*. Sicut Irenaeus Romanam Ecclesiae *principalitatem*, ita Cyprianus (ep. 55. p. 86.) appellat Petri cathedram atque *Ecclesiam principalem*; Augustinus a Romanam Ecclesiam, in qua semper viguit *apostolicæ cathedrae principatus* (ep. 43. n. 7.); *Apostolatus (Petri) principatus* enilibet episcopati praferendum, ut adeo distet cathedralium gratia de Bapt. I. II. c. 1. n. 2.

(2) Συμβιων i. e. concordare. Confer: « qui ex variis et differen-
tibus gentibus in unam cohortem fidei convenientes flunt homines » Iren. I. IV. c. 21. n. 3.

(3) Pronomen *in qua* pertinet ad Ecclesiam Romanam; sensus enim est, ab omnibus Ecclesias seu ab omnibus qui sunt undique fideles, in

stolis *Traditio*. » Unitatem praedicationis et consensionem totius Ecclesiae vide egregie descriptam ab Irenaeo l. I. c. 10. n. 2; l. V. c. 20. n. 1. Efficacissime Tertullianus: « Ecclesias (Apostoli) apud unamquamque civitatem condiderunt, a quibus traducem fidei et semina doctrinæ ceteræ exinde Ecclesiae mutuatae sunt, et quotidie mutuantur, ut Ecclesiae fiant; ac per hoc et ipsae apostolicae deputantur ut soboles apostolicarum Ecclesiarum... Dum una omnes, probant unitatem, dum est illis communicatio pacis et appellatio fraternitatis et contesseratio hospitalitatis, quae iura non alia ratio regit quam eiusdem sacramenti (professionis fidei) una Traditio... Quid autem praedicaverint (Apostoli), id est quid illis Christus revelaverit, et hic praescribam, non aliter probari debere nisi per easdem Ecclesias, quas ipsi Apostoli condiderunt, ipsi eis praedicando tam viva, quoq; aiunt, voce quam per epistolæ postea. Si haec ita sunt, constat proinde omnem doctrinam, quae cum illis Ecclesiis apostolicis matricibus et originalibus fidei conspi-

Ecclesia Romana tamquam in principio et in causa unitatis fidei conservatam esse Traditionem Apostolicam; sicut Optatus dicit loco mox citando, « in una cathedra Petri unitatem ab omnibus servari. » Quod rei summanum non magis interesset, si quis concederet, particulam *in qua* referri ad nomen proprium *omnem Ecclesiam*. Tum *omnis Ecclesia* in qua ab omnibus fidelibus ubique terrarum conservata est *Traditio*, non posset esse nisi *tota universalis Ecclesia κατὰ ἡγεμονία*, sicut paulo ante dixit « *Traditionem Apostolorum in toto mundo manifestatam in omni Ecclesia* », et alibi (l. II. c. 9. n. 1.) dicitur « *Ecclesia omnis per universum orbem accepisse ab Apostolis Traditionem*. » Significaretur ergo: cum Ecclesia Romana necesse esset consentire Ecclesiam universalem, in qua Ecclesia universalis semper integra conservata est *Traditio*; ratio autem huis necessarii consensus simulque consequens ex hoc consenserat unitatis et integratatis in doctrina tradita collocatur in potentiori *principalitate* eiusdem Romanae Ecclesiae. Per se patet, distinctionem quae hic inici videtur, inter Ecclesiam Romanam et universalem, non esse *separationis* sed *unionis* sicut inter caput et totum corpus. Huic testimonio Irenaei conferenda sunt verba Nicolai I. Pontificis ep. ad Photium. « *Cum universa credentium multitudine ab sancta Romana Ecclesia quae omnium caput est Ecclesiarum, doctrinam exquirat, integratatem fidei depositat, delictorum veniam postulet, necessarium est, ut magnam nos curam qui ad hoc vocati sumus, adhibeamus* » (Hard. T. V. p. 1046.).

rat, veritati deputandam, sine dubio tenentem quod Ecclesiae ab Apostolis, Apostoli a Christo, Christus a Deo accepit.... Communicamus cum Ecclesiis apostolicis, quod nulli doctrina diversa: hoc est testimonium veritatis. Tertull. Praescript c. 20. 21; cf. 32. 36.

Consultant Cyprian. de unit. Ecclesiae p. 195; ep. 42. p. 57; ep. 52. p. 73. (ed. Baluz.); PP. Antiochen. contr. Paul. Samosat. ep. synod. (inter Opp. Dionys. Alexand. ed. de Magistris p. 280. 281.); Athanas. decret. Nic. Synodi n. 4; Episcoporum Aegypti ep. apud Theodoret. Hist. Eccl. I. IV. c. 3; Basil. ep. 251. al. 72. n. 4; Epiphanius. haeres. 31. p. 202. (ed. Petav.); Optat. I. VII. n. 5; August. cont. litt. Petilianii I. II. c. 51; Cassian. de Incarnat. I. I. c. 6; Lirinens. Commonit. n. 4. 8. 23. 38. 39; Leontius cont. Nestor. I. I. (Galland. T. XII. p. 667.); Episcopi orientales ad extingendum schisma Acacianum et postea Photianum in VIII. Synodo subscriptentes professioni fidei a Pontificibus Hormisda et Hadriano II. propositae Hard. T. II. p. 1017. 1030; T. V. p. 773. 785. 786. coll. 1029; Agatho Pontifex ep. ad Impp. Hard. T. III. p. 1080. 1081.

Hanc a Christo ipso institutam unitatem et consensionem Episcoporum quae per unionem et consensum cum successore Petri efficiatur et conservetur, tamquam criterium integratatis doctrinae declarant praeterea ss. Patres, dum eandem describunt in ipsis Apostolis ut repraesentantibus totam suam successionem (vide supra p. 32. sq.). «Negare non potes, inquit Optatus Donatistar. Parmeniano, scire te in urbe Roma Petro primo cathedralm episcopalem esse collatum, in qua sederit omnium Apostolorum caput Petrus, unde et Cephas appellatus est: in qua una cathedralis unitas ab omnibus servaretur, nec ceteri Apostoli singulas sibi quisque (disiunctas) defendebet, ut iam schismaticus et peccator esset, qui contra singularem cathedralm alteram collocaret.» Opt. I. II. n. 3. (Galland. T. V. p. 471.) Cf. Tertull. contr. Marcion. I. IV. c. 2; Hieronym. ep. 112. n. 8. (ed. Vallarsi); August. contr. Faust. I. XXVIII. c. 4; Theophil. Alexandrin. ep. ad Episcopos Aegypti (Galland. T. VII. p. 617.); Sophron. ep.

synod. ad Serg. CP. lecta in Synodo VI. (Harduin. T. III. p. 1260).

Sollicitudo ss. Patrum enumerandi et demonstrandi perpetuam successionem apostolicam in Ecclesia Romana, «ad quam propter potentiorum principalitatem necesse est omnem convenire Ecclesiam,» profecta est ex eodem studio et directa ad eundem finem, ut scilicet immediate demonstrent successionem vere apostolicam custodum fidei, et mediate ex communione Ecclesiarum inter se et cum Ecclesia Romana omnium membrorum et totius corporis unitatem continentе ostendant integratam fidem apostolice. Ad hunc scopum continuum seriem successorum Petri se consignasse diserte profitentur Irenaeus I. III. c. 3; Ephraem Syrus apud Asseman. Bibl. Orient. T. I. p. 129; Optatus I. II. n. 3; Epiphanius haeres. 27. n. 6; Augustinus ep. 53. al. 165. n. 2. cf. Tertull. Praescript. c. 32. «Nemo miretur, inquit Epiphanius post descripta omnium Pontificum nomina, quod singula tam diligenter percurrerim; per haec enim veritas perenniter manifesta ostenditur.»

Enimvero petra super quam Christus suam aedificavit Ecclesiam, ut portae inferi non praevaleant adversus eam, Petrus nempe in sua perpetua successione iuxta institutionem Christi (Math. XVI. 18.) est principium unitatis visibilis, qua tota Ecclesia una est in communione et fidei consensione; atque ita petra a Christo posita intelligitur esse *causa formalis*, ut Ecclesia docens sit unum corpus per assistentiam Spiritus Sancti tamquam per *causam efficiemt* infallibile in suis definitionibus ad conservandum et explicandum fidei depositum. Corpus nempe Ecclesiae docentis non est simpliciter *Ecclesia docens*, cui promissa est assistentia Spiritus veritatis et tutela Christi in dendo, nisi quatenus suo visibili capite velut informatur, ut sit simpliciter *Ecclesia docens*, eaque constituta sub assistentia Spiritus veritatis, per quam est infallibilis. Ideo dixi, *causam formalem seu velut formam constituentem* corporis infallibilis esse caput visible ipsius corporis; *causa vero officiens* infallibilitatis nec est nec esse potest alia nisi assistens Spiritus veritatis.

Verum ut Petrus in perpetua sua successione principium *activum* sit confirmando fratres ad fidei consensionem et continendo Ecclesiae unitatem in petra, ad hunc finem Christus rogavit, ut fides Petri perenniter permanentis non deficit in suo hoc officio et munere divinitus iuncto, contulitque petras per se spectatae firmitatem, cui inniteretur perpetuo firmitas Ecclesiae, quae in hac unione cum petra et per petram a Christo Deo est constituta columna et firmamentum veritatis. Ideo in successore Petri per se spectato infallibilitas ad doctrinas fidei sua definitione proponendas et decidendas eiusdem rationis est ac in toto corpore Ecclesiae docentis suo capiti unitate. Sed haec alium postulant locum et longe ampliorem tractationem.

3^r. Iam hoc principium, quod successio apostolica sic unita ac consentiens *sub assistentia est Spiritus Sancti*, inde ab Ecclesiae primordiis constituit summam et fastigium totius doctrinae de authentico organo Traditionis. Semper et ubique explicita vigebat professio, causam efficientem, per quam in successione perenni et in unitate custodum fidei conservetur integra doctrina, iuxta promissionem etiam in Scripturis consignatam ex donatione Christi esse ipsum Spiritum veritatis. Id enim fieri aiunt « per charisma veritatis certum » Iren. IV. c. 26. n. 2; « per operationem Spiritus » id. III. c. 24. n. 1. (1); « per doctorem veritatis, qui non sinit Ecclesias aliter intelligere aliter credere, » quam ab Apostolis acceperint Tertull. Praescript.

(1) « Praedicationem Ecclesiae undique constantem et aequaliter perseverantem... perceptam ab Ecclesia custodimus, et quae (praedicatione) semper a Spiritu Dei, quasi in vase bono (in Ecclesia) eximum quoddam depositum, iuvenescens et iuvenescere faciens ipsum vas, in quo est. Hoc enim Ecclesiae creditum est Dei munus... et in eo disposita est communicatio Christi i. e. Spiritus Sanctus.... In Ecclesia enim posuit Deus Apostolos, prophetas, doctores (I. Cor. XII. 28.) et universam reliquam operationem, cuius non sunt particeps omnes, qui non currunt ad Ecclesiam.... Ubi enim Ecclesia, ibi Spiritus Dei; et ubi Spiritus Dei, illuc Ecclesia et omnis gratia: Spiritus autem veritas » Iren. III. 24.

Quapropter eis, qui in Ecclesia sunt, presbyteris obaudire oportet, his qui successionem habent ab Apostolis... qui cum episcopatus successionis charisma veritatis certum secundum placitum Patris accep- runt » Id. IV. 26.

c. 28. (1), « per Dominum Ecclesiae inhabitatorem, ne eat in errorem quamlibet studiosissima speculatio » August. in Ps. 9. n. 12; « per suggestionem Spiritus sancti (ἐνγονήτος του πνευματος ἁγίου), ne a vero deficiant » Episcopi in consensione Cyrill. Alex. ep. ad Monach. (T. V. inter epistolam p. 4.); « per charisma acceptum ad docendum in eodem Spiritu, et per Spiritum Patris, qui in eis loquitur » Leonius contr. Aphthartodocetas (Galland. XII. p. 682). Consensionem in unam veritatem nihil impedit montium et marium disiunctio, quia consensionem ipsam unus efficit Spiritus, et dum in unitate manent, « omnes ab una Spiritu gratia edociti sunt » (2) Theodoret. dial. de Incom- mutabilitate (T. IV. p. 32.). Quocirca doctores et pastores « in Ecclesia Dei divinitus per tempora et loca dispensatos quisquis in sensu catholici dogmatis unum aliquid in Christo sentientes contempserit, non hominem contemnit sed Deum » Lirinens. c. 40. Quod « in Sede apostolica inviolabiliter semper catholica custoditur religio, » huius privilegii ratio est, « quia non potest D. N. Iesu Christi prae- termitti sententia dicentis: tu es Petrus, et super hanc petram aedificabo Ecclesiam meam » (Professio orientalibus proposita et ab eius subscripta tempore Hormisdae et in Conc. VIII. II. cc. supra). Cf. Basil. contr. Eunom. I. I. n. 3; Hieronym. in Amos IX. 15. (in fine); Augustin. sermon. de symbolo ad Catechum. n. 14. (T. VI.).

4. Ex propositis capitibus consequitur id, quod Patres vetustissimi non minus inculcant, primum omnium quaeren-

(1) « Age nunc omnes (Ecclesias) erraverint, deceptus sit et Apostolus de testimonio reddendo, nullam respexerit Spiritus Sanctus, ut eam in veritatem deduceret, ad hoc missus a Christo, ad hoc postulatus de Patre, ut esset doctor veritatis; neglexerit officium Dei villicus, Christi vicarius (cf. alium Paracelsum mittam vobis Io. XIV.), sinens Ecclesias alter interim intelligere, aliter credere, quod ipse per Apostolos praedicabat; equid verisimile est, ut tot ae tantae in unam fidem erraverint? » Tertull. lib.

(2) Υπὸ μας γαρ ἀπότος πνευματικῆς ἴντερηθεσαν χάριτος. Confer his locutionibus declarationem Concilii Tridentini: « sancta ipsa synodus a Spiritu Sancto.... edocita atque ipsius Ecclesiae iudicium et consu- tudinem secuta » etc. Sess. XXI. c. 1; Sess. XIII. prooem.

dum esse, ubinam sit Ecclesia a Christo instituta et ab Apostolis propagata; in hac enim necessario reperiri totam Christi doctrinam, et ab Ecclesia eam sincere praedicari.
« Fugere igitur oportet sententias ipsorum. . . . confugere autem ad Ecclesiam, et in eius sinu educari et Dominicis Scripturis enutrir. » Iren. I. III. c. 4; c. 24. n. 1; I. V. c. 20. n. 2. Legantur Ignatius ad Magnes. n. 7; Theophil. Antiochenus ad Autolyc. I. I. n. 14; Clemens Alexand. Strom. VII. p. 755; Tertull. Praescript. c. 19. 37; Origen. de Princ. praefat.; Cyril. Hierosol. cateches. XVIII. n. 26. 27; Hieronym. dialog. contr. Lucifer. (ad finem); Augustin. de util. cred.; contr. ep. fundamenti c. 4. 5.

II. Si a constanti et universalis doctrina hucusque exposita praeescindatur, modus agendi et practice indicandi de veritate vel falsitate dogmatum ac sententiarum quae in quaestione vocabantur, semper et ubique observatus id ipsum quod diximus, evidenter demonstrat, totam nempe antiquitatem christianam hoc principio informatam, hoc fundamento nixam: integre conservari et tradi revelationem per consentientes pastores et doctores Ecclesiae a Christo datos (Eph. IV. 11.); ideo hunc consensum in doctrinam tamquam revelationem esse criterium certum Traditionis divinae inde ab Apostolis derivatae; ae proinde quamvis doctrinam novam repugnantem tali consensiui hoc ipso repugnare revelationi ac Traditioni divinae.

1º. Tamquam argumentum princeps, contra quod nulla valeret exceptio, ad demonstrandam doctrinam revelationem et ad convincendum errorem oppositum semper valebat illud: « sic credit quae sub coelo est, catholica Ecclesia, et omnes Episcopi consentiunt nobiscum » Conc. Antioch. contr. Paul. Samosat. (Mansi T. I. p. 1033.); Conc. Nicaen. in fine symboli; Concilia subsequentia. Vide Athanas. de Synodis n. 5; ad Epictet. 3; Augustin. de Baptism. I. II. c. 9. n. 14; I. VII. c. 5; Cyril. Alex. ep. synodica 3. ad Nestor. n. 5. 7. (in ed. Garner. Opp. Marii Mercator. T. II. p. 71.).

Hinc ad singulorum sive Episcoporum sive fidelium orthodoxiam probandum appellatum est ad communionem cum

Episcopis consentientibus Ecclesiae catholicae, vel cum Ecclesiis apostolicis et maxime cum centro ac vinculo unitatis et consensionis Pontifice Romano. Ita contra Gnosticos Iren. et Tertull. locis supra citatis (Iren. III. c. 4. n. 1; cf. I. I. c. 10. n. 2; Tertull. Praescript. cc. 20. 21. 32; contr. Marc. I. IV. c. 5.); contra Novatianos Cyprian. ep. 52. ad Antonian. et alibi; contra Semiarianos Basil. ep. 204. al. 75. ad Neocesareenses; contra Apollinaristas Gregor. Nazianz. ep. 1. ad Cledon. T. II. p. 84. (ed. Maurin.); in schismate Antiocheno Hieronymus ep. 15. n. 2. ed. Vallarsi al. ep. 57; contra Donatistas Optatus I. II. n. 3. 5. 11. (Galland. V. p. 471-473.) et Augustinus ep. 43. al. 162. n. 1. 7. 19; ep. 44. al. 163. n. 3. 6; contra Monophysitas Episcopi orientales in professione fidei praescripta ab Hormisda Pontifice, et contra Photianos in Synodo VIII. (Harduin. Conc. Collect. II. cc. supra).

2º. Quoniam doctrina fidei tradita est a Deo Apostolis, ab Apostolis Ecclesiae, et iugiter conservata a subsequentibus pastoribus et doctoribus; hinc semper appellatum est ad antiquitatem doctrinae ab haereticis impugnatae; antiquitas autem demonstrabatur ex testimonio et consensione Patrum antecedentium. Vicissim eadem ratione demonstrabatur oppositae doctrinae novitas, et propter ipsam novitatem damnabatur, quod repugnaret fidei a maioribus acceptae. Unde principium alterum: sequendam antiquitatem, de qua constat ex Traditione; omnem doctrinam novitatem oppositam arcendum esse. « Id verum, quod prius; id prius, quod ab initio; id ab initio, quod ab Apostolis » Tertull. cont. Marc. IV. c. 5. « Nihil innovetur, nisi quod traditum est » (1) Stephanus I. Pontifex (apud Cyprian. ep. 74.)

(1) Verba Stephani in causa rebaptizantium quod grammaticam constructionem aliquantis per singularem conferri possunt cum verbis Patrum Chalcedonensium in vetusta versione latina (Hard. II. p. 650.), ubi ait de epistola Leonis Pontificis: « nihil praeferat fidem quae olim a SS. PP. annuntiata est, venerabilis Romanus Pontifex innovavit » (gr. οὐδέ της πάλαι πάρα τοι ἄνω πάτερον καττυγίδωσεν πάτερον διορθώσας της Ρωμής παρακαλεῖσκε προφέτας). Eusebius (H. E. VII. c. 3.) ait: « Stephanus nihil recente inventum praeferat Traditionem quae ab initio obtinuerat, innovandum ratus est » (μηδέ τι νικηφόρον πάρα την φρ-

« Desinat incessere novitas vetustatem » Coelestinus I. Pontif. ep. 21. n. 2. « Nihil licet novitati, quia nihil adiici convenit vetustati » Xystus III. Pontif. ep. 6. n. 7. cf. Vincent. Lirinensem c. 43. Hoc modo damnati sunt Gnostici aliqui vetusti haeretici (Iren. III. 4; V. 20; Clem. Alex. Strom. VII. p. 762. 764; Tertull. Praescript. 8. 9. 10. 25. 26; contr. Praxeum c. 2; contr. Marc. IV. 5.); dissentientes de valore baptismi haereticorum (Stephan. Pontifex apud Cyprianum ep. 74. ad Pompei. et Lirinens. n. 9. 10.); Novatiani (Pacian. ep. 3. n. 1. 2.); Ariani in Concilio Niceno (Athanas. de Synod. n. 4. 9; Hilar. ad Constant.

τηρεστον ἀρχήν παρέδωσεν ἀπόκτηματά της. Unde non facile concedam auctori « Defensionis Cleri Gallicani » I. IX. c. 3, istud *nihil innovetur* referri ad hominem suscipiendum in Ecclesiam, ut sensu sit, nihil praeter id quod traditum est, esse in homine innovandum, nempe ut reveras ab haeresi manus impunator ad poenitentiam. Secundum modum loquendi Scripturae et PP. dici quidem potest *hominis innovatio per baptismum*, sed *innovatio* (ἀνακαίνωσις) seu *regeneratio per poenitentiam* nulla est (cf. Heb. VI. 6.). Stephannus itaque vetat *innovationem circa Traditionem*: nihil novi inducatur, nisi (sed) hoc tantum servetur, quod traditum est, ut manus impunator in poenitentiam. Ita ipse Cyprianus verba intellexit. « Praecepsit (inquit I. c.) nihil aliud innovari, nisi quod traditum est; quasi in innovet, qui unitatem tenens unum baptismum uni Ecclesiae vindicat, et non ille utique qui unitatis oblitus mendacia et contagia profanei tinctiois (baptismatis haereticorum) usurpat. » De impositione manuum in poenitentiam vide dissertationem Petri Constant. (Epistolas RR. PP. p. 238. sqq.).

Ceterum si verba Stephani per se spectentur, directe *non definiti* questionem *fidei*; sed contineat praeceptum *disciplinae inviolabilitatis servandao*, quae pro fundamento habet doctrinam fidei, « post Cypriani passionem », directe et in se definitam. Verba Stephani sunt: « si quis de quacumque haeresi venerit ad vos, nihil innovetur, nisi quod traditum est, ut manus illi impunator in poenitentiam » (apud Cyprian. ep. 74. ad Pompei.). Nimurum Augustinus ait, « nondum erat diligenter illi baptismi quæstio pertractata; sed tametsi saluberrimam consuetudinem tenebat Ecclesia in ipsis quoque schismaticis et haereticis corrigeret quod præsum est, non iterare quod datum est » (de Bapt. I. II. n. 12.). Haec saluberrimam consuetudinem Romanus Pontifex servari præcepit, quin tamen ipsam de ministro baptismi doctrinam, enī illa innititur, directe et explicite definet. Ideo Cyprianus ab unitate Ecclesiae absensus non est, atque hoc sensu dici potest, controversiam non directe ac immediate de fide, sed disciplinarem fuisse.

I. II. n. 4); Apollinaristae (Greg. Naz. ad Cledon. ep. 2. T. II. p. 97.); Nestoriani in Concilio Ephes. (Cyrill. ad Clericos suos n. 10. ed. Garner. Opp. Marii Merc. T. II. p. 51; Lirinens. n. 42.); Eutychiani in Concilio Chalced. (Hard. II. p. 650.); Pelagiani ac Nestoriani a Coelestino et Xysto Pontificibus (Coelestini. ep. 21. ad Gallos; Lirinens. n. 43.); Monotheletae in Concilio Lateran. sub Martino I. (Hard. III. 887.). In his et in aliis omnibus semper erat « negotii exitus usitatus et solitus: retenta est scilicet antiquitas, explosa novitas » (Lirinens. n. 9.). Conf. Stapleton T. I. I. VII. c. 4.

Porro in appellatione ad Patres antecedentes non tam propositum erat *historicè* demonstrare doctrinae de qua quaerabatur, derivationem ab Apostolis, quam potius argumento *theologico* ex consensu antecedenti inferre absolutam antiquitatem et apostolicitatem doctrinae; quia videlicet ratum erat et apud Christianos extra controversiam, Patres consentientes numquam tradidisse tamquam fidei doctrinam nisi quod ipsi accepissent, nec docuisse nisi quod a suis antecessoribus didicissent (cf. supra p. 69.). Ideo in appellatione ad antecessores, etiam testificatio consentiens proxime antecedentium sufficere, non autem antiquissimorum Patrum directa testimonia in medium adducere necessarium iudicabatur, ut de sententia etiam antiquissimorum et de apostolicitate doctrinae constaret. Ita saeculo V. Patres Concilii Ephesini tamquam ad testes irrefragabiles doctrinæ apostolicæ appellant ad Patres antecedentes decem, inter quos duo soli (Cyprianus et Felix Pontifex) sunt saeculi III^o, reliqui omnes IV^o. vel etiam V^o. (vide Lirinens. n. 42.). Leo M. ep. ad Leonem Augustum appellat ad sex Patres, quorum tres saec. IV^o. alii tres V. Hard. II. p. 65. Inter 25 Patres citatos ab Augustino I. I. contr. Julian. duo soli (Irenaeus et Cyprianus) vetustiores sunt saeculo IV^o. Pariter saeculo VII^o. in Concilio Lateranensi sub Martino I. inter 20. Patres citatos nonnisi duo vel tres erant aut saltem putabantur esse superiores saeculo IV^o. (Iustinus, Hippolytus, Dionysius Areopag.) Harduin. III. p. 858. In synodo sexta tum scilicet in epistola Agatho-

nis ibi recitata tum a Concilio ipso appellantur 15 Patres,
quorum nullus floruit ante IV. saeculum Hard. III.
p. 1094. 1202. sq.)

Concludimus confessione hominis Protestantis Münscher,
qui rei evidentia convictus saltem factum agnoscit (Histor.
dogmat. T. III. p. 132.). « Etiamsi, inquit, nulla diserta
testimonia in promptu essent de auctoritate et usu Traditionis,
eius tamen vis et momentum ex multis indicis se
proderet. Inde enim orta est illa sollicitudo in quavis senti-
entia immo in quovis termino theologicō suspicionem no-
vitatis amovendi; inde Episcoporum, syndorum, et sym-
bolorum protestatio tam frequens et expressa, nihil nisi
acceptam a sanctis antecessoribus doctrinam proponi; inde
studium in controversiis fidei doctrinam confirmandi au-
toritate veterum, et oppositam arguendi novitatis; inde
diligentia in Concilis colligendi testimonia antiquitatis,
quibus suam definitionem conformarent... Haec scilicet
demonstrant, habitum fuisse criterium verae doctrinae, ut
Athanasius ait (de Decretis Nic. n. 4), cum omnes inter se
consentint, et nec inter se nec a Patribus discrepant. »

THESS IX.

De constitutione visibili organi Traditionis accommodatissima muneri iniuncto.

« Quamvis supra ratio, ex qua perennis conservatio integratatis
doctrinae et certitudo ac securitas de hac conservatione oritur, sit
promissum et collatum a Christo perpetuum charisma veritatis; ipsa
tamen visibilis constitutio et communio custodum fidei quovis tempore
ita se habuit, ut secundum suavem Dei providentiam muneri iugiter
conservandas Traditionis plena respondeat. »

Sine dubio causa adaequata, qua per successores Apo-
stolorum efficitur et infallibiliter certa redditur conservatio
revelationis pridem consummatae, est Spiritus veritatis,
qui successoribus Apostolorum perpetuo assistit iuxta pro-
missiones Christi, quas et per se claras et hoc sensu ab
universo nomine christiano inde ab Apostolis intellectas
esse in superioribus thesibus demonstravimus. Quia vero

Spiritus Sanctus successoribus Apostolorum non adest tamquam praeconibus novae revelationis, sed tamquam custo-
dibus depositi (th. V.), neque adest per continuas revelatio-
nes sed per assistentiam, directionem, et tutelam, ne um-
quam « eat in errorem quamlibet studiosissima speculatio »
et diligentia humana; ideo elementum humanum, humana
inquam actio, inquisitio, sollicitudo et solertia non exclu-
ditur, sed immo secundum suavem Dei dispositionem re-
quiritur, estque hoc ipsum elementum humanum sub actio-
ne et directione Spiritus Sancti velut corpus visibile in-
formatum spiritali charismate invisibili. Quare operae pre-
tium erit ipsum subiectum visible ministerii instituti ad
custodiā fidei considerasse distinctius, ut intelligamus, qua
perfectio ipsum hoc ministerium etiam secundum elemen-
tum visible quovis tempore suo muneri responderit.

Dicimus itaque a) unionem et communione visibilem
custodum fidei, et b) eorundem indolem ac mores univer-
sim spectatos, simul cum principiis quibus nitebantur, hu-
iusmodi esse, ut suspicio defectionis a doctrina primitus
tradita et innovationis in universali praedicatione ecclesias-
tica inductae prorsus excludatur.

I. Ut intelligamus etiam humano elemento per se hi-
storicę ac philosophicę spectato repugnare innovationem
contraria apostolicę Traditioni, praecipuum locum sane
obinet unio ac communio hierarchica Episcoporum et fide-
lium totius Ecclesiae.

1°. Non solum semper observatum est apostolicum in-
stitutum, ut Episcopus non eligeretur, nisi prius de sin-
ceritate eius fidei certis testimoniosis constaret, « ne quis ad
sacerdotiale locum indignus obreperet, » ut ait Cyprianus
ep. 68; sed etiam praesertim Episcopi maiorum sedium con-
tinuo post electionem aliis collegis suis et maxime Ponti-
fici Romano per litteras synodicas exponebant distinctam
suae fidei professionem. « Apostolica et prisca Traditione in
sanctis Dei per totum orbem Ecclesiis tenuit, ut qui ad
episcopatum provehebantur, iis qui ante ipsos regebant
summa sacerdotia, omnia sincere exponerent, quid senti-
rent et quomodo circa fidem se haberent.... ne in vacuum

currentur s. Sophron. Episcop. Hierosolymitan. in epistola synodica ad Honorium Pontificem et Sergium Constantopolitanum, in qua distinctam comprehendit fidei professionem (Concil. VI. Hard. III. p. 1259.). Ratio sanctae huius institutionis per se evidens est, et egregie declaratur a s. Gregorio M. « Nam cum vicissim nobis fidei nostrae confessionem transmittimus et charitatem nostram erga nos ostendimus, quid aliud in sancta Dei Ecclesia agimus, nisi arcum bitumine linitimus, ne unda erroris intret? » Gregor. I. VII. ep. 4. ad Cyriac. Constantinopol. Vide eiusdem Gregorii I. IX. ep. 52. ad Secundin.; Leonis M. ep. 69. al. 52. n. 1; ep. 70. al. 54. n. 1; ep. 14. al. 84. n. 1; Hilarii Pontificis epp. 5. et 6; Gelasii epp. 1. et 2. Per litteras communicatorias seu formatas invicem missas nominatim per communicatorias cum Pontifice Romano Episcopi omnes de fidei communione cum toto orbe securi erant (Optatus I. II. n. 3. 5. 13.). « Communicamus cum Ecclesiis apostolicis, quod nulli doctrina diversa: hoc est testimonium veritatis » Tertull. Praescript. c. 21. (cf. th. VIII.). Cui vero communio negabatur, is « quisquis esset, Christianus non erat, quia in Ecclesia non erat » (Cyprian. ep. 51. ad Antonian.).

2º. Sicut solliciti erant tum singuli tum omnes simul Episcopi, ut fides singulorum consentiens fidei communi omnium esset testatissima, et diligenter cavebatur, ne a fide communi quomodo cumque dissidens particeps videretur communionis ecclesiasticae; ex ratione eadem vigili studio curabant, ut de fide una Episcoporum in singulis sedibus sese excipientium certo constaret. Cf. supra p. 69. sq. Hinc series Episcoporum orthodoxorum in diptychis singularum Ecclesiarum descripta diligentissime servabatur, reiectis iis qui defectionis a fide vel communione universae Ecclesiae suspecti fuerant. Vide Leon. M. ep. 80. c. 3. ad Anatol.; ep. Episcoporum Aegypti ad eundem (Hard. T. II. p. 698. 699.). Quanti haec res aestimata fuerit, apparet ex diuturnis controversiis e. g. de nomine s. Chrysostomi restituendo in diptycha; de delendis nominibus Acacii et successorum eius in sede Constantinopolitana, quae lis tenuit a tempore Ge-

lasii usque ad Hormisdam Pontificem. Cf. Card. Bona de Rebus liturgicis I. II. c 12.

3º. Si quando in aliqua Ecclesia novitas doctrinae contra communem traditam fidem serpere coepisset, Episcopi erat non solum eam comprimere, sed etiam certiores reddere Episcopos alios et imprimis Pontificem Romanum, ut communi sententia ubique damnatus error ab Ecclesia arceretur. Episcopi Aegypti adversus Monophysitam Timotheum Aelurium opem postulant Anatolii Constantinopolitani Episcopi, « quatenus sancta et intemera fides immobilis et intentabilis possit ab omni haeretica sapientia custodiri; nostrosque gemitos synodici litteris sanctissima Ecclesiae Romanae Pontifici Leonis, nec non et Antiocheno et Hierosolymitano atque Thessalonicensi et Ephesino Dei amantissimis Episcopis, vel aliis quibus fuerit visum, Ecclesiis indicetis, quoniam hoc delictum laesio est communis, ut omnes totius orbis Episcopi cognoscentes ea quae praesumpta sunt a Timotheo, et quia novitates exercunt,... dignam formam quae in hoc placuerit, praebere non differant » (Hard. T. II. p. 699.). Ita Episcopi in Concilio Antiochiae collecti Paulum Samosatenum deferunt Dionysio Romano Pontifici et Maximo Alexandrino (apud Euseb. H. E. VII. c. 25.); schismaticos Felicissimum et Fortunatum Cyprianus Cornelio Pontifici (ep. 55.); Arium omnibus Episcopis catholicis Alexander Alexandrinus (ep. inter Opp. Athanasii T. I. p. 397.). In causa Nestorii, Eutychianorum, Pelagianorum multae ultro citroque inter Episcopos datae sunt epistolae communitariae. Cf. Stapleton T. I. l. VII. c. 7.

Ad candem servandae fidei et praevenendi periculi sollicititudinem pertinet, quod tum Clericis tum aliis fidelibus transeuntibus ab una Ecclesia ad aliam dari consueverunt a suis Episcopis litterae communicatoriae eorum sincerae fidei testes, ne homines a tradita fide devii ullibi in communionem fideliū irreperere possent. Conferantur canones Apostol. 10. et 26. (in versione Dionysii Exigu 13. 34.); Iliberitanus 58; Laodicenus 41; Chalcedonensis 11. (Act. XV.); Constitut. Apostolic. I. II. c. 58; Basillii ep. 191. T. III. p. 284; ep. 203. p. 301; Zosimi Pfcis ep. 1. n. 1. ad Episcopos Galliae etc.

4º. Praeterea extraordinarium quidem, sed ubi periculum novitatis imminentis vel necessitas alicubi iam exortae id postulare videbatur, efficax praesidium unionis et consensionis, pariterque ad solemniores confirmationem antiquitatis et damnationem novitatis erant et sunt Concilia Episcoporum vel ex provinciis singularibus, vel ex universa Ecclesia orbis terrarum. De hoc sicut etiam de unitatis glutino (ut Cyprianus loquitur) longe praecipuo atque ordinario per communionem omnium pastorum cum successore Petri tamquam membrorum cum capite (Concil. Chalcedon.) distinctius hic agere non possumus, cum istius tractationis aliud proprius sit locus.

Iam haec tanta communio omnium Episcoporum universae Ecclesiae inter se, et haec tanta sollicitudo communis et unius fidei consideranda est simul cum principio fundamentali, cui omnes innubebantur et a quo totam fidei oeconomiam pendere apud omnes certum erat; retinendam scilicet esse fidem semel traditam, omnem novitatem oppositionem esse subversionem fidei et salutis: « nihil innovetur, nisi quod traditum est. » Vida supra th. VIII. His autem simul spectatis quis non videt, quam apte ministerium institutum ad conservandam Traditionem etiam secundum visibilem constitutionem suo respondeat muneri? Hac enim unione et his pastorum unitorum principiis positis fieri numquam potuit, ut vel repente et uno quodammodo impetu vel paulatim serpendo novitas contra vetustatem preevaleret, et totam inficeret Ecclesiam, idque ita ut huiusmodi innovationis nec tempus nec modus nec historia ex certis et patentibus factis designari possit. Demonstratio haec erit adhuc plenior, si addatur consideratio altera, qui quantique viri fuerint in hae unione et inter se et cum suis antecessoribus per longam aetatum seriem et in omnibus Ecclesiis orbis terrarum coniuneti.

II. Si mente primum convertamus ad aetatem ss. Patrum, custodes illi fidei divina providentia per universas Ecclesias inde ab Apostolis per multa saecula dispensati insignes fuerunt morali universalitate omnes amore et studio doctrinae ab Apostolis traditae ac detestatione pari

omnis novitatis; multi ex iis doctrinam, quam acceperant et tradebant ut apostolicam, martyrio sanguinis vel aerumnosae confessionis confirmarunt; praestantes non solum cognitione doctrinae quam ab antecessoribus acceperant et eis innutriti erant, sed etiam sanctitate vitae christiana; multi ex iis clari ingenio et scientia amplissima rerum divinarum et humanarum. Hi viri tot ac tanti omnes inter se conspirantes sententiis, uniti communione, in id omnem suam sollicititudinem, omnes suas curas conferebant, de quo paulo ante diximus, ut semper servaretur antiquitas et arceretur queavis novitas doctrinae seu subversio totius religionis christiana. Adhibebantur igitur opes omnes maximae et aptissimae, adhibebantur ab hominibus aptissimae, adhibebantur modis aptissimis ad conservationem traditae doctrinae; ergo si divina providentia adest rebus maximis, a quibus pendet religio et salus populi christiani, fieri non potuit innovatio et traditae doctrinae corruptio.

Haec porro consideratio saltem quoad suas partes essentiales applicari potest omnibus aetatibus Ecclesiae et successionis apostolicae. Si quando sanctitatem et scientiam quod adtinet, nubes quedam inductae sunt, certe idem semper mansit studium Traditionis servandae, idem horror novitatis, eadem consensio in doctrinam a ss. Patribus acceptam; atque adeo si aetate Patrum doctrina apostolica per severavit integra, non minus intemerata eadem ad nos usque perducta est.

His rationibus, quas hic vix paucis indicavimus, omni tempore a sanctissimis Traditionis custodibus ipsis vindicata est auctoritas et fidelitas antecessorum suorum in eodem munere custodiae depositi. Patres Concilii Lateranensis sub Martino I post antecedentium Patrum sententias unanimiter recitatas exclamarunt: « Domini Dei et Salvatoris nostri Iesu Christi perficientes cum summa devotione ss. Patres verbum, datam eis lucernam ab eo gratiae et scientiae non utique sub modo absconderunt in fructuosa obscuritatis, sed super candelabrum sustulerunt salutiferae doctrinae, quatenus resplendeat omnibus qui in domo sunt, id est populo catholicae Ecclesiae.... Quae utique et nos per le-

ctionem venerabilium sermonum eorum perspicientes, ipsum quidem glorificamus Patrem luminum, *ex quo omne datum bonum et omne donum perfectum mandatum est eis ad plenitudinem catholicae eius et apostolicae Ecclesiae*; accusatores autem eorum merito reprobavimus tanti luminis obumbrare nitentes veram confessionem per novitatem commentum » (Harduin. T. III. p. 886.). Augustinus multis in locis eo quo diximus modo, auctoritatem Patrum antecedentium commendat eloquentissime. Si postquam plurim sententiam adversus Iulianum Pelagianum adulterat: « *isti Episcopi sunt, inquit, docti, graves, sancti, veritatis acerrimi defensores aduersus garrulitas vanitates, in quorum ratione, eruditio, libertate, quae tria bono iudici tribuisti, non potes invenire quod spernas. Si episcopalis synodus ex toto orbe congregaretur, mirum si tales possent illuc facile tot sedere. Quia nec isti uno tempore fuerunt, sed fideles et multis excellentiores paucos dispensatores suos Deus per diversas aetates temporum locorumque distantias, sicut ei placet atque expedire iudicat, ipsi dispensat... Tanto tibi sunt terribiliores, quia oppugnas catholicam fidem, quam in lacte suixerunt, quam in cibo sumperunt, cuius lac et cibum parvis magnisque ministraverunt... Talibus post Apostolos sancta Ecclesia plantatoribus, rigatoribus, aedificatoribus, pastoribus, nutritoribus crevit; ideo profanas voces vestrae nocitatis exparvit... Quae siturus es iudices, ubi tot sanctos doctores egregios atque memorabiles catholicae veritatis accuses... insuper et universam Christi Ecclesiam, cui divinae familiae dominica cibaria fideliter ministrantes ingenti in Domino gloria claruerant » August. cont. Julian. I. II. n. 37. Vide eudem contra Iulian. I. I. n. 30-34; I. II. n. 31. 34; Oper. imperf. I. II. n. 37; Clement. Alex. Strom. VII. p. 762; Tertull. Praescript. c. 29; Athanas. de Synodis n. 4. 43. 47; Basil. contra Eunom. I. I. n. 3; Gregor. Naz. ad Cledon. ep. 2. Opp. T. II. p. 97; Hilar. ad Constant. I. I. n. 5; Lirinens. n. 33.*

Iam si simul omnia comprehendantur quae hac thesi diximus, modus et scopus communionis omnium pastorum, sollicitudo et praesidia servandae Traditionis, ardens studium unius semper et eiusdem doctrinae cum detestatione

novitatis, sanctitas, scientia eorundem pastorum; evidens est successio apostolica secundum suum visible elementum plenissimum aptitudo ad servandam integritatem traditae doctrinae, ita ut his per se spectatis sub communi etiam providentia Dei mutatio et corruptio moraliter impossibilis appareat. At quoniam haec omnia dona, haec perpetua unitatis et consensionis conservatio iuxta Christi promissiones sunt et demonstrant esse effectus tutelae Christi manentis cum successoribus Apostolorum omnibus diebus usque ad consummationem saeculi, et Spiritus veritatis manentis cum eisdem in aeternum (th. V.), certitudo oritur theologica, supernaturalis et absoluta.

Corollarium 1st ad duas theses antecedentes. Quando constat de existentia et auctoritate semper viventis magisterii et ministerii ad conservandam Traditionem iuxta modum in superioribus thesibus demonstratum; sufficit demonstrasse aliquo tempore obtinentem consensum fidei in successione apostolica, quo vindicetur revelatio divina et apostolica Traditio cuiusvis capitulis doctrinae. Inquisitio ergo veritatis revelatae, et disputatio cum heterodoxis non a singularibus doctrinae capitibus, sed a demonstratione universalis principii cognitionis, videlicet ab auctoritate et munere successio apostolica ad conservandam ac propagandam integrum revelationem exordienda est. « Ordo rerum desiderabat illud prius proponi, quod nunc solum disputandum est, quibus competit fides ipsa, cuius sint Scripturae, a quo et per quos et quando et quibus sit tradita disciplina, quia fiunt Christiani... Illic erit veritas Scripturarum et expositionum et omnium traditionum christianarum » Tertull. Praescript. 19. Vide supra th. VIII. cf. p. 5. sq. 21.

Nihilominus ut ad fructum scientiae theologicae demonstretur *historice*, et aduersus eos qui negant principium auctoritatis, vindicetur *polemice* apostolica origo et revelata veritas singulorum dogmatum, non sufficit mera appellatio ad consensum praesentem; sufficit tamen demonstrare consensum in eandem dogmatis veritatem aliquot saeculis anteactis, quae tempora Patrum appellantur, quin

necesse semper sit testimonii disertis exhibere consensum aetatis apostolicae vel proxime sequentis ex parciis, quae nobis supersunt monumentis. Scientific enim, etiam adversus negantes authenticum magisterium, ex consensu antiquitatis christiana liceat paulo sequoris potest inferri derivatio doctrinae ex tempore apostolico, et consensus praesens ostendit connexus cum doctrina aetatis apostolicae per demonstratum consensum temporis intermedii, dum doctrina quam nunc profitemur, demonstretur identica cum doctrina Patrum quarti puta quintive saeculi ex testimonii disertis, et haec ipsa ostendatur identies cum doctrina aetatis apostolicae ex impossibilitate mutationis et innovationis.

Corollarium 2^{ma}. Quamvis in doctrinis traditis quae omnibus sunt explicite credendae, semper fuerit plenus consensus (Aug. contr. Iulian. I. I. n. 31.); possunt tamen contineri in obiectiva revelatione capita doctrinae, in quibus aliquo tempore consensus vel non fuerit satis perspectus vel reipsa non obtinuerit (August. ibid. n. 22.). Unde fieri quidem nequit, ut in successione apostolica post consentientem affirmationem et professionem explicitam aliquius doctrinae fidei sequatur intra fines Ecclesiae eiusdem doctrinae negatio, vel vicissim post consentientem negationem et damnationem eiusdem affirmatio; potest tamen fieri, ut post discordes sententias sequatur plenissimus consensus.

Ergo a) discors sententia de aliqua doctrina inter custodes fidei in communione mutua perseverantes non est argumentum per se sufficiens ad probandum, doctrinam non esse divinitus traditam; licet probet, de divina eius traditione saltem ad obligationem fidei pro omnibus seu fidei catholicae nondum satis constare. Contra b) in quacumque communione demonstrari potest inducta post antecedentem consensus professionis fidei mutatio ex affirmatione in negationem vel vicissim, ea non est Ecclesia Christi.

THESSIS X.

De distinctione inter auctoritatem historicam et dogmaticam in testificatione Traditionis.

* Disserimus inter principia Ecclesiae ante Concilium Nicaenum et Ecclesiae sequentis aetatis a Protestantibus quibusdam assertum, quod Ecclesia uno tempore apostolicum originem suae doctrinae testimonialis mere historicis, tempore alio auctoritate sui magisterii vindicare conseruerit, plane fictitium censeri debet. Quavis enim tempore elementum historicum in antiquitate ac consonance testificationis et elementum divinum auctoritatis per assistentem Spiritum veritatis distinctum, numquam tamem unum ab altero separatum intelligebatur. *

Affirmant Protestantes (ut Twesten Dogmatic. T. I. p. 117.), antiquorem Ecclesiam solum historice appellasse ad Traditionem, demonstrando scilicet in Ecclesiis apostolicis, quibus Apostoli ipsi praedicaverant, per continuam successionem Episcoporum usque ad sua tempora saeculi II. et III. fidem ab Apostolis traditam nondum fuisse corruptam, sed adhuc integrum; posteriori vero tempore Ecclesiam ad quod testimonio Traditionis historicie considerato deerat, supplere studuisse auctoritate, quam sibi vindicabat. * Docent alii (Lessing, Delbrück), Ecclesiam antiquam ante Nicena tempora sibi sufficere censuisse traditam regulam fidei; post Concilium Nicaenum vero habuisse Scripturas inspiratas ut unicum fontem et normam doctrinae fidei. Hanc temporum comparationem alii plerique invertunt affirmantes, usque ad saeculum IV. vel etiam tardius usque ad saeculum VII. unicam normam fuisse Scripturas, ex eo autem tempore coepisse appellari etiam ad Traditionem (cf. cl. P. Perrone de Tradit. n. 381.).

I. Quam haec omnia non solum falsa sint sed prorsus absurdia, patet cuivis comparanti doctrinam ss. Patrum in superioribus duabus thesibus propositam, ubi ad singula capita citavimus testimonia tam Patrum, qui ante Concilium Nicaenum, quam qui post illud tempus a II^o ad VI^o et VII^o saeculum floruerunt. Vetustiores ac recentiores illi Patres uno ore plene consentiunt tum in usu Traditionis velut demonstrationis historicae ex perpetua successione Episcoporum, ex connexione cum Apostolis et communione et con-

sensione universalis; tum in praedicanda Traditionis infallibili securitate et divina auctoritate, quae derivetur a Spiritu veritatis habitatore Ecclesiae; tum in asserenda hac Traditione authenticata tamquam norma interpretationis Scripturarum, quamvis de hoc ultimo inferius data opera nobis agendum adhuc sit.

Sane si Patres apostolici et subsequentes II. III. saeculi Irenaeus, Tertullianus etc. appellant ad doctrinam ab initio traditam, ad Traditionem qua est ab Apostolis per successiones presbyterorum, ad census Ecclesiarum apostolicarum; idem non minus frequentatur a Patribus post Concilium Nicaeum, Athanasio, Epiphanius, Optato, Augustino, Vincentio Lirinensi ceterisque, qui sanctos antecessores commendant, quia « quod a Patribus acceperunt, filii tradiderunt, » ut loquitur Augustinus; et ante eum Athanasius: « nos quidem sententiam, inquit, a Patribus ad Patres transiisse demonstramus.... vos synodus insectamini, quia videlicet non vestra sed illa definierit, quae ab initio tradidere testes oculati, qui et ministri verbi fuere » de Decret. Nicaen. n. 27. Neo minus quam Irenaeus et Tertullianus Patres quoque posteriores appellant ad continuam successionem in Ecclesia potissimum Romana ut centro et vinculo unitatis, « quoniam per eam successionem perpetuo manifesta veritas demonstratur, » ut testantem vidimus Epiphanium; et Augustinus: « tenet me, inquit, in Ecclesia ab ipsa Sede Petri usque ad praesentem episcopatum successio sacerdotum » contr. epist. fundamenti n. 5. Vide supra p. 69. sq.

Vicissim Patres posteriores potissimum fundamentum constituant quidem in consensione, quatenus ea est et effectus et criterium Spiritus veritatis manentis in aeternum cum successione apostolica, atque adeo appellant ad auctoritatem magisterii derivatam ex promissa assistentia Spiritus Sancti. At vero non minus diserto Patres vetustissimi Ignatius, Irenaeus, Tertullianus supremam rationem, cur a communi doctrina Ecclesiae dissentire nefas sit, et qua constet, divinam doctrinam esse sincere et integre per successions ordinem conservatam, tandem revocant ad auctorita-

tem divinitus derivatam a Christo in Apostolos et ab Apostolis in eorum successores, ad « charisma veritatis communicatum cum episcopatus successione, » ad « communicationem Christi id est Spiritum Sanctum, » ad promissum et missum « doctorem veritatis Spiritum Sanctum. » Vide p. 74. sq.

In doctrina itaque Patrum de ministerio Traditionis distinguunt disputatio duplex, de elemento scilicet visibili et de charismate invisibili, quae duo sunt quidem connexa, cum visibile ab invisibili pendeat, in propria sua ratione constitutaur, et quodammodo informetur; considerantur tamen a Patribus et debent considerari ambo distincta. Nimirum ut demonstrent conservationem et derivationem doctrinae ab Apostolis, Patres vetustissimi tria distinguunt, successionem apostolicam, consensionem, et perpetuum charisma Spiritus Sancti. Successio Episcoporum inde ab Apostolis est necessaria, non tamen in Ecclesiis singulis per se sufficit ad demonstrandam apostolicitatem doctrinae; negative ergo ex eius defectu probant, a sectis posteriori exortis non teneri apostolicam doctrinam. Ut non solum materialis sed formalis sit successio apostolica, postulatur in perpetua successione personarum (Episcoporum) simul consanguinitas et successio doctrinae; huius autem criterium est consensus et communio cum Ecclesia universalis (I), cuius iterum communionis vinculum simul et criterium est communio

(I) « Ubi tunc (sub Apostolis) Marcion..... ubi tunc Valentinus? Nam constat illos neque adeo olim fuisse, Antonini fere principatu, et in catholicam primo doctrinam credidisse apud Ecclesiam Romanensem, donec sub episcopatu Eleutheri benedicti... in perpetuum discordiam relegati venena doctrinarum suarum disseminaverunt.... Cupio ostendat mihi, ex qua auctoritate prodierunt... Prohabet se novos Apostolos esse, dicant Christum iterum descendisse, iterum ipsum docuisse, iterum crucifixum, iterum mortuum, iterum resuscitatum; sic enim Apostolos solet facere; dare illis praeterea virtutem eadem signa edendi, quae et ipse... Ceterum si quae audent interserere se aetati apostolicae, ut ideo videantur ab Apostolis traditae, quia sub Apostolis fuerunt, possimus dicere: edant ergo origines Ecclesiarum suarum, evolvant ordinem Episcoporum suorum ita per successiones ab initio decurrentem, ut primum ille Episcopus aliquem ex Apostolis vel apostolicis viris qui tamen cum Apostolis perseveraverint, habuerit auctorem et antecessorem... Confingant tale aliiquid haereticis... Sed etsi confinxerint, nihil promovebunt. Ipsa

cum Ecclesia Romana, quae unitatis radix est ac centrum (supra p. 69. sqq.). Iam ex hac successione et consensione Patres argumentum ducunt duplice: a) magis *historicum* et *philosophicum*, quia *historice* constat, Episcopos sibi succedentes quorum memoria et nomina in Ecclesiae veneratione servata sunt, fideles fuisse custodes fidei; neque enim in serie Episcoporum eius nomen fuisset toleratum, qui depositum adulterasset (cf. supra p. 82.). Praeterea unanimis consensu omnium Ecclesiarum, quae per totum orbem constitutae sunt, est ipse argumentum etiam *philosophicum* veritatis; error enim est multiplex, veritas una. « Equid verisimile est, inquit Tertullianus Praescript. c. 28, ut tot ac tantae (Ecclesiae) in unam fidem erraverint? Nullus inter multos eventus est unus exitus, variasse debnerat error doctrinae Ecclesiarum. Ceterum quod apud multos unum inventitur, non est erratum sed traditum. » Haec historica et philosophica consideratio instituitur potissimum polemice et in oppositione ad varietates et dissensiones multiplicium haeresem. b) Argumentum proprium ac supremum ducunt, ut vidimus, ex consideratione *theologica* successionis et consensionis, quatenus a Christo originem habet ad custodium depositi, et ad hoc infallibiliter servandum ei promissa et semper praesto est tutela Christi et assistentia Spiritus Sancti (th. VIII. n. 3^o).

Non ergo in modo considerandi ministerium Traditionis et in methodo demonstrandi integritatem doctrinae traditae enim doctrina eorum cum apostolicis comparata ex diversitate et contrarietate sua pronuntiabit, neque Apostoli alienius auctoris esse neque Apostolic... Ad hanc itaque formam provocabuntur ab illis Ecclesiae, quae licet nullum ex Apostolis vel Apostolicis auctore suum profrant, ut multo posteriores, quae denique quotidie instituntur, tamen in eadem fide conspirantes non minus apostolicae deputantur pro consanguinitate doctrinae. Ita omnes haereses ad utramque formam (successioni apostolicae, et consanguinitatis doctrinae in consensione cum Ecclesiis apostolicis) a nostris Ecclesiae provocatae, probent se, quaquam putant, apostolicas. Sed adeo nec sunt, nec possunt probare quod non sunt; nec recipiunt in pacem et communicationem ab Ecclesiis quomodo apostolicis, scilicet ob diversitatem sacramenti nullo modo apostolicas. Tertull. Praescript. c. 30-32; cf. 36, 37; Clem. Alex. Strom. VII. p. 764, 765.

ullum est discri men inter Patres vetustissimos et inter recentiores. Sed qui hoc confinxerunt, solum attenderunt argumentationem historicam apud vetustiores Patres dissimulata argumentatione theologia, quae est potissima et non minus diserta apud eosdem; contra vero Patrum recentiorum solam partem theologicam, dum appellant ad auctoritatem manentem ex promiso et collato charismate veritatis, selegunt neglecta eorum argumentatione historica et philosophica. Hac sane arte contradictiones et diversitates sententiarum ubique reperi entur.

II. Protestantes ex suo principio fundamentali neque in consentiente testificatione antiquitatis christiana et Ecclesiae totius agnoscunt authenticam propositionem revelatae doctrinae, sed tantummodo historicum *testimonium fidei*, ut loquuntur, h. e. testimonium ex quo discamus, quae fuerit eorum attestantium fides; ita ut non fides nostra ad illud testimonium conformanda, sed testimonium ipsum ad normam unicam fidei, quae est Scriptura, examinandum et iudicandum sit (cf. supra p. 7.). Quoniam vero vel inviti sentiunt, quantum sit ponderis in sententia ac iudicio antiquitatis christiana, conantur hoc ipsum suum principium obtrudere vetustis Patribus. Aitn igitur, Patres illos ad Ecclesiarum et nominativum ad Ecclesiarum apostolicarum doctrinam tum vigentem solum appellasse, quia vel *quatenus* videbant eam actu consentire cum doctrina Scripturarum; adeo ut demonstratio apostolicitatis doctrinae ex Scripturis independenter a sensu et consensu Ecclesiarum praecedat et sola sit propria demonstratio, examen autem professionis Ecclesiae subsequatur, et si ea reperiatur conformis Scripturis, confirmationem aliquam praebeat demonstrationis propriae, quae instituta est ex solis Scripturis independenter ab auctoritate et Traditione Ecclesiae.

Quam hoc impudens sit mendacium, puto satis constare ex superioribus. Vide th. VIII. Nihilominus praeter iam demonstrata inquiramus sententiam vetustorum Patrum de hac re adhuc distinctius. Statuunt unanimis et disertissimi veribus, praedicationem et Traditionem ecclesiasticam esse normam supremam et necessariam, ad quam Scripturarum

et canon et lectio et interpretatio exigenda sit. Non ergo Scripturas sensus erunt interpretatione independenti est eis norma, ad quam examinent et vel probent vel reliquias praedicationem et Traditionem Ecclesiae; sed haec praedicatio ut ab Ecclesia proponitur, est eis fidei obiectum et norma, ad quam sententia de ipso Scripturarum canone et vero sensu exigenda sit.

Per successionem Episcoporum, quibus Apostoli Ecclesiam quae in unoquoque loco est tradiderunt, ait Irenaeus, « peruenit usque ad nos custoditione sine fictione Scripturarum tractatio plenissima... et lectio sine falsatione, et secundum Scripturas expositor legitima » l. IV. c. 33. n. 8. Eodem modo Tertullianus: « ergo non ad Scripturas provocandum est, nec in his constitendum certamen... Ordo rerum desiderabat illud prius proponi... quibus competit fides ipsa, cuius sint Scripturae, a quo et per quos et quando et quibus sit tradita disciplina, qua sunt Christiani; ubi enim apparuerit esse veritatem disciplinae et fidei christianae, illic erit veritas Scripturarum et expositionum et omnium Traditionum christianarum » Praescript. 19. Ut autem reperiatur, ubi sit veritas doctrinae, provocat Tertullianus cum ceteris ad consensum Ecclesiarum (supra p. 71.). Unde monet ulterius Irenaeus, in Ecclesia a Domino ipso positos esse doctores: « ubi igitur charismata Domini posita sunt, ibi discere oportet veritatem, apud quos est ea, quae est ab Apostolis Ecclesiae successio... Hi enim et fidem nostram custodiunt... et Scripturas sine periculo exponunt l. IV. c. 26. n. 5; cf. ib. c. 32. n. 1. Ita et Clemens Alexandrinus: « recta sunt omnia coram iis, qui intelligent h. e. iis, qui ab ipso (Domino) declaratam expositionem Scripturarum secundum ecclesiasticam regulam accipientes conservant » Strom. VI. p. 676. Verum et genuinum Gnosticum ait esse, « qui cum in ipsis consenserit Scripturis servans apostolicam et ecclesiasticam dogmatum rectitudinem, rectissime vivit » Strom. VII. p. 762. (cf. VI. p. 645. 679; VII. p. 755; Origen. Princip. IV. n. 9; Euseb. Demonstr. Evang. l. I. c. 8.). Clementis discipulus Origenes tum in praefatione ad libros de Principiis ut fundamentum totius theologiae et

γνωστως christiana declarat *praedicationem ecclesiasticam* (cf. supra p. 68.); tum diserte Traditionem definit esse normam supremam interpretationis Scripturae. « Quoties (haereticis) canonicas proferunt Scripturas, inquit, in quibus omnis Christianus consentit et credit, videntur dicere: ecce in dominis est verbum veritatis (Matth. XXIV. 26.). Sed nos illis credere non debemus nec exire a prima et ecclesiastica Traditione, nec aliter credere nisi quemadmodum per successionem Ecclesiae Dei traditum est » Comment. in Matth. n. 46. T. III. p. 864. In Recognitionum libris nomine Clementis Romani suppositus sed scriptis saeculo III. ineunte, induxit s. Petri admonitio. « Multas, ut video, ingeniros homines ex his quae legunt, verisimilitudines capiunt; et ideo diligenter observandum est, ut lex Dei cum legitur, non secundum proprii ingenii intelligentiam legatur. Sunt enim multa verba in Scripturis divinis, quae possunt trahi ad eum sensum, quem sibi unusquisque sponte praesumperit, quod fieri non oportet. Non enim sensum, quem extrinsecus adulteris, alienum et extraneum debes querere, quem ex Scripturarum auctoritate confirmes; sed ex ipsis Scripturis sensum capere veritatis, et ideo oportet ab eo intelligentiam discere Scripturarum, qui eam a maioribus secundum veritatem sibi traditam seruat » l. X. n. 42. (Galland. II. p. 322.) cf. l. VIII. n. 37. (ib. p. 298.). Ne prolixiores simus, omnium Patrum inde ab aeo apostolico ea est sententia, quae s. Vincentio Lirinensi saeculo V^o « a quam plurimis sanctis et doctrina praestantibus viris » confirmata est, unumquemque « dupliciti modo munire fidem suam debere; primo scilicet divinae legis auctoritate, tum deinde Ecclesiae catholicae Traditione. » Ratio autem, cur Scripturarum canoni « ecclesiasticae intelligentiae iungenda sit auctoritas, » a Vincentio declaratur: « quia videlicet Scripturam sacram pro ipsa sua altitudine non uno eodemque sensu universi accipiunt; sed eiusdem eloquia aliter atque aliter aliis atque aliis interpretatur, ut paene quot homines sunt, tot illic sententiae erui posse videantur. » Nominatis aliquot haereticis, qui suas haereses ex ipsis Scripturis defendunt, concludit: « atque ideo multum necesse est propter tantos

tam variis erroris anfractus, ut propheticae et apostolicie interpretationis linea secundum ecclesiasticet catholici sensus normam dirigatur? Lirin. cc. 1. 2. 38; cf. etiam August. de Genesi ad litter. Op. imperfect. n. 15; Rufin. Hist. Eccl. I. II. c. 9. Vide Stapleton Controv. l. XI. c. 3.

THESES XI.

Per synthesis ex praecedentibus colligitur proprius Traditionis conceptus, et ex Patrum sententiis confirmatur.

« Doctrina fidei universa, quatenus sub assistentia Spiritus Sancti in consensu custodum depositi et doctorum divinitus institutorum continua successione conservatur, atque in professione et vita totius Ecclesiae sese exserit, sensu maxime proprio divina est Traditio. Hanc ss. Patres dicunt praelectionem ecclesiasticam, intelligendi regulum, regulam apostolice veritatis, si directe spectatur doctrina ut obiectum, quod in successione apostolica servatur ac traditur; est autem et dicitur conscientia fidei, catholicus intellectus, ecclesiasticus sensus, fides scripta in cordibus, sapientia non scripta, si directe ut subiectum spectatur Ecclesia sub assistentia Spiritus Sancti constituta et charismate veritatis imbuta ad intelligendum, custodiendum et explicandum depositum fidei. »

I. Prima pars theses est mera synthesis antecedentium. Demonstratum est, promulgationem revelationis a Christo ipso esse ita dispositam, ut Apostoli pro Christo legatione fungentes sue ministerio et auctoritate praelectionis, qua per Spiritum veritatis erant instructi, Ecclesias fundarent, eisque totam doctrinam revelatam velut hereditatem transmitterent; atque adeo fit, ut religioni christianaec secundum divini sui auctoris institutionem essentialis sit « obedientia fidei » respondens supernaturali auctoritati docentium, proindeque essentialis sit magisterium authenticum (th. IV.). Insuper demonstratum est, verbis disertis instituisse Christum, ut magisterium authenticum, cuius auctoritas est ex assistentia Spiritus Sancti inducentis in omnem veritatem, primo ordinatum ad infallibilem promulgationem revelationis sit petrum usque ad consummationem saeculi ad eiusdem integræ revelationis conservationem et propagationem (th. V.). Unde constat ulterius, hanc oeconomiam a Christo institu-

tam ex re natura nexam esse cum charactere unitatis in universalitate fidei christianaæ (th. VI.); nec posse censeri Scripturas substitutas magisterio successionis apostolicae, sed eas esse instrumentum doctrinae, quod ipsis custodibus depositi est commissum custodiendum et explicandum (th. VII.). Tum demonstratum est, secundum hanc oeconomiam in Scripturis definitam et exhibitam evidenter inde a temporibus Apostolorum universam Ecclesiam esse constitutam, hocque nixam fundamentali principio, magisterium et ministerium ad custodiendam et praedicandam integrum revelationem esse institutum in successione apostolica; idque ita, ut huius magisterio, quatenus in consensu et communione nominatum cum visibili unitatis centro spectatur, promissum sit semperque praesens supernaturale charisma Spiritus Sancti (th. VIII.). Huic muneri porro intelleximus elementum spectare totius constitutionis et actuum Ecclesiae tam in vita (si ita loqui fas est) quotidiana, quam in solennibus gestis mirabiliter respondere; constanter tamen semper et ubique formalem rationem auctoritatis et plenae securitatis in servanda et explicanda doctrina repetitam fuisse a charismate invisibili Spiritus Sancti (th. IX. X.). Ex quibus omnibus apparet, Ecclesiam universam omnium statum et omnium locorum cum tota sua historia esse magnum commentarium reale, ac perpetuam confirmationem veri sensus, quem in verbis Christi et Apostolorum expressum Catholici creditus et demonstramus.

Ergo demonstratum est, insitam naturam et propriam rationem Ecclesiae a divino fundatore esse ita constitutam, ut fides et disciplina divinitus primus a Christo ipso et dictante Spiritu Sancto ab Apostolis tradita, per ministerium et magisterium authenticum semper vigens ac vivens a generatione in generationem propagetur. « Et timebunt qui ab occidente, nomen Domini, et qui ab ortu solis, gloriam eius, cum veneri... Hoc foedus meum cum eis, dicit Dominus: Spiritus meus qui est in te (1), et verba mea quae

(1) Allocutio Domini non est directa ad Isaiam, sed ad eos quibuscum suum hoc foedus futurum esse dicit, h. e. vel ad populum christianum vel ad Christum simul et ad Ecclesiam. Ergo pronomen numeri